

Ols Leiden
vnnser Herrn
Ihesu Christi. :

In Ton
Maria zart.

A. R.R.

M. D. XLVII.

2

34

AD BIBL.
UNIVERS.
MONAC.

no^r 2

1777

25 A

1777

Du M̄esch betlag/dein sünd all tag,
 Und fass es wol zu herzen:
 Für dich den todt/gelitten hat/
 Gotts Sun/mit grossem schmerzen:
 Vom Vatterlandt/ward er gesandt/
 Zu vnn̄/auf dise Erde/
 Von ainer Junckfrawn werde/
 Ward er geporn/Das nit verlorn/
 Wurd/meschlichs gschlecht/herwider
 Was Adam hett verderbet. (brecht/
 Wers nit bedenckt/sich nit drein senkt/
 Rain gnad von Got er erbets.

II.
 Vor seinem todt/ist Christus spat/
 Mit seinen Jüngern gsessen:
 Das Osterlam̄/inns werck da kam:
 Zūnor figürlich gessen.
 Das süsse Prot/Er gnommen/hat
 Gedancket/vnd gebrochen:
 Darauf zūjen gsprochen:

Zemt hin/vn̄ esst: Dolchs wol ermesset/
 Stein leib ist das. Er nam̄s trinckglas/
 Danckt/Und hats ihnen geben:
 Trinckt darauf all: In gleichem fall/
 Trenckt euch mein Blüt/zum leben.

III.

Mein leib vnd blüt/ich euch zu güt/
 Wird geben vnd vergießen: noC
 Das wirdt ewor speis/gaistlicher weis/
 Im glauben werdt jrs niessen:
 Dañ yetzund wirt/gschlagen der Hirt/
 Die Schaf zerstrewet allez:
 Ir werdt von mir absallen.

Ich wird vom todt/als Herr vn̄ Got/
 Wider aufston/vnd euch vorgen/

Inns himlisch Vatterlandet:
 Das sey ewor trost/Ir werdt erloft/
 Durch mein Creutz/tod vn̄ schande.

III.

Inn Garten gieng/der Herr/ansieng/
 Des heil wider zupringen/

Das Adam vor/gentlich verlor:
 Mit tod hūß an zu rinngen:
 Blüt schwais abflos/vor ängsten grof
 Er haist betten vnd wachent:
 Dann dhell mit jrem rachen/
 An vns sich richt. Aufs angesicht/
 Fiel nider Er: O mein Vatter/
 Vnm hin/das bitter trancket:
 Doch das du willt/das werd erfüllt:
 Das fläisch ist schwach vnd krancke.

V.

Das war wol schein/an Jüngern sein/
 Die fand er allzeit schlaffen.
 Judas sich rüst/zur selben frist/
 Mit grosser schar/kam glauffen:
 Sy hetten bschaid /der Oberkait/
 Gaistlichs vnd Weltlichs stannde:
 Mit waffen vnd mit bannde.
 Jesus geet hin/entgegen jn:
 Das götlich Lam/zum schlachtē kom

Sprach zum Judas: gsell/was thüst dar?

O wie pöß/ Adams kinder.

VI.

Sie giengen hin/vnd siengen jn/

Wie ainen Dieß/gebunden.

Die Jünger all/flohen zu mal.

Jesus sprach zu den stunden:

Ic kumbt da her/als ob ich wer/

Ain Mörder vnd Verräter/

Der grösste vbelthäter/

So ic doch ghört/das ich hab glert/

Die warhait frey:Ewr hail darbey

Gesücht/als der Hailande:

Ists der welt lon: das Gottes Son/

Für sein wolthat/leidt schannder:

VII.

Die Juden dann/den gsangen Mann/

Zum hohen Priester brachten:

Dahin auch war/der glerten schar/

Versamelt/vnd betrachtten/

Wie sy in möchten tödten:

Vil vrsach suchen theten.

Fanden doch nicht: Und hand erdicht.

Er hat gelert/wir habens ghört/

Den Tempel woll zerstören:

Annders gebew/woll machen newe:

Im seine wort verlören.

VIII.

Der Bischoff grim / der sprach zu jm:

Willt vnnser Kirch vernichten?

Den Tempel dienst / du vns verhönst/

Willt newe Sect anrichten.

Das Lamb das schwyg / zu diser lüg:

Zu Hof giltt kain entschulden:

Die warhait tregt vnhulde.

Ich bschwör dich hoch / d bischoff sprach

Drum sag mir nun: bist du Gotts Sun:

Der Christ/nach dem wir fragen:

Jesus bekannt: Wie du mich gnannit:

Das zeügen dwerck vor augen

IX.

Der ich hie ston / des menschen Son /
 Von eich verdamt vnd gschmöhet /
 Wirdt kōmen baldt / in Götlich gwalt /
 Nach meim leiden erhöhet.
 Do sollichs wort / der Bischoff hort /
 Hat er sein Blaïd zerrissen /
 Und sprach: Wir all yetzt wissen /
 Das der mensch hat / geleßtert Got /
 Verwirckt den todt: das bstät der rath
 Die vrtail sy bald schryen.
 Sein schonens nicht: Inns angesicht
 Ochläugens in / vnd anspeyen.

X.

Die falschen leüt / zu diser zeit /
 Vil falsche zeügknus dichten:
 Zu morgens fru / eyltens on rü /
 Zum Kaiserlichen Richter:
 Nymb hin pylat / der vor dir stat /
 Der ist ain Newer Lerer /

41

Den tod verschuldt: dess Kaisers huld
hat er verlorn: Ain Rüng geporn/
Nennt er sich/vnuerborgen.
Die vrtail fell: Er ist ain gsell/
Der am Creütz soll erworen.

XI.

Pilatus sagt: Hör was man klagt:
Bist du der Juden König?
Jesus sagt frey: Ain Rüng er sey.
Zür klag/antwort er wenig.
Pilatus pfleg/auf disen tag/
Ainn gfanngnen ledig zgeben:
Jesum woll lassen leben. (baldt:
Da schry der Gwalt/vnnd's volck gar
Laf Barraban/den pösen man.
Jesus müß kurzumb sterben:
Ans Creütz in henck/mit anders denck:
Er soll kain huld erwerben.

XII.

Pilatus sprach/als er das sah:

An disem Man. Was hat er than:

Der neid/thüt euch verblenden.

Sy schryen ser/lenger ye mer:

Am Creutz soll werden gschlachtet:

Vnd sein Nam/gar verachtet.

Pilatus spricht: Ob ich jn richt:

Wäsch ich mein hend/dschuld auf euch

Er ist gerecht/on sünde. (wend:

Sy schryen all: Sein blüt das fall

Auf vnnis/vnd vnnstre kinder.

XIII.

Pilatus war/beredet gar,

Barraban ließ er lauffen:

Den herren zart/mit gaiflen hart,

Auf Römis ch weiß / ließ straffen.

Die vrtail fellt/Das Christus sollt/

(Der Richter aller Erden.)

Anns Creutz gehencket werden,

Das Kriegsvolck kam/vnd jn annam:

Im Richterhaus/zoh es jhn auf:

Mit gspott jm gab/ ain Kron vñ Stab/
 Mit glächter/schmach vnd schande.
 XIII.

Als nun Kriegsknecht / jhn gnüg ges
 Das klad abzogen/wider (schmeht:
 Anglegt sein Rock:Des Creützes block/
 Trucket den Herren nider.

An Galgenberg / bracht jn der Scherg.
 Der Herr sieng an zu sincken:
 Da gabens jm zu trincken/
 Ain bitters tranck. O pöser danck.
 Sein leibe ploß/mit neglen groß/
 Ans holz ward auf gestreckt.
 O mësch/nu schw/ die Schlang hangt
 Die dich vom tod erwecket. (da/
 XV.

Sy hat nit bniugt: Habend zügsügt/
 Zwen Mörder/an sein seyten:
 Gleich wie ain wurm lidt er ain sturm
 Veracht von allen leüten

Bist du der Tempel brecher:

So bis yetz selbs dein rechert:

Bist du Gots Son: hilff dir darvon:

Hast annder ghailt/vnd hilff mittailt:

Es will dich Got nit haben.

Küng Israel/vom Creutz steig schnel/

So wölln wir an dich glauben.

XVI.

Es ist der Welt/hie fürgestellt/

Der vnn mit Got versünnet.

Zwen vngerecht/seind meschlichs gsch:

Das ewig straff verdienet: (lecht/
Der lincke tail/verachtt Gotts hail/

Der Prüsser sein Sünd kennet:

Christum sein Hailand nennet:

Spricht: Gedenk mein/im Reiche dein/

Dein götlich Krafft/mach mich tailhafft

Deins lebens/durch dein sterben.

Wer solchs nit sucht/der bleibt ver-

in Sünden müß er sterben. (flucht:

XVII.

Die Finsternis / war dick vnd groß,
 Das Liecht thet sich abkören.
 Im flaisch/gots wort/hie leidet mordt:
 Sein stym ließ er starck hören:
 Alls volbracht hab: Sein gaist aufgab.
 Der fürhanng ward zerrissen:
 Da wirdt gehailt das gnissent
 Im aufgethon/dess himmels Thron:
 Es hilfft sein todt/vnns auf der notz:
 Der recht Priester hat geben/
 Zum Opffer gstellt/für dsünd der welt)
 Sein leib vnd blüt/zum leben.

XVIII.

Himmel vnd Erd/hand klar bewert/
 Das Got im flaisch gelitten.
 Erdbidmen gschicht / manch fels zer-
 Die greber sich erschütten. (bricht:
 Die fromme Schar/die gstorben war/
 Ist yetzt wider erstannden/
 Los von der Hellen hannden.

46
Nom tod gsürt auf/in Gottes Haß:
Er ist Gotts Sohn/wie der Hauptman
Sämpft seinem volck/verjehen:
Erschräkn gschwind/dz dwelt so blind/
Gots wunnder nit soll sehen.

XIX.

Am Sabbath tag/im̄ grab er lag:
Da hausssten sich die glerten:
Dem Fürsten zu/sprachens on rü:
Wir dencken dess verkerten/
Das er gsagt frey/Nach tagen drey/
Wöll er erstan zum leben:
Drumb sollt du Hütter geben/
Das die letst gferd/nit erger werdt:
Bestellt Kriegswacht/vnd s grab ver/
Christus nit solt aufkommen: (macht
Das gschicht auch heüt/vnd alle zeyt.
Dwelt hasset alle frommen.

XX.

O mensch hab acht/vnd wol betracht/
Wer der sev/der gelitten/

47

Vnschuldiglich/also für dich/
Inn bittern tod geschritten.
Solch hohe sach/dir fruchtbar mache
Thüs in deim hertz bedencken/
Vnd dich genzlich drein sencken/
So wirdst erlöst/in Got getrost/
An leib vnd Seel/all deinen fel/
Mit der Artney magst püssen:
Für sünd vñ schad/schöpf hail vñ gnad
Im glauben magst dus gniessen.

Getruckt/durch Melcher
Kriegstein:zu Augspurg/
auf vnser frawen Tho.

48

Աժօթ ով օյլա գիլլունեմիս
աւրաներդ օտ ուստի ոս
շեմ բախնի առշակ զօք մենց
աւելուս ցուց ուստ ու անց
ամենով ուստ գիլլուն գիս ուց
պինց ու ու անձօք նյուն ուց
այլ առաջ լահած օսու մասն անց
անձնեց նյուն զուրմ ած ու ուց
զուրմ առ լուսի օս մենց օսու մասն
պինց աս նյուն անձնաց ուց

ամեն օժաման մասն
պազման ոչ անդամ ուց
ուց առաջ անձնաց անձնաց